

# INUIT ATAQATIGIIT

## Inatsisartuni



5. februar 2019

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

### **Naalakkersuisunut apeqqut:**

- 1. Imigassamut inatsit ukioq ataaserluunniit suli atuutinngitsoq Naalakkersuisut allanngortinniarpaat?**
- 2. Imigassanut inatsit allanngortinneqassappat tamanna ilisimatuussutsikkut paasissutinnaq sunik tunngavilersuuteqarpa?**
- 3. Imigassanut inatsit massakkut atuuttoq inuiaqatigiinni sutigut pitsaanngitsumik sunniuteqarsimava?**
- 4. Naalakkersuisut imigassanut inatsimmi allanngueqqullugit Demokraatiniit sakkortuumik piumasaqaatigineqartut malinniarpaat?**
- 5. Naalakkersuisut Demokraatit piumasaannik malinnillutik suliaqarniarsimappata WHO-p innersuussutigisaannik malinninnginnissamik kinguneqassava? Malinneqarsimappata suut tunngaviguineqarpat?**
- 6. Imigassamut inatsit allanngortinneqassappat Naalakkersuisut ataniaannarlutik Naalakkersuisuuniaannarlutillu sulilersimanerattut oqaatigineqarsinnaasoq isumaqataappat?**
- 7. Naalakkersuisooqatigiit politikikkut anguniagaat allanngortinneqattaarnerat partiit liberaliusut politikkiannut pinngitsaalisamik suliaqartinneqartalernerattut Naalakkersuisut nalilersunngilaat?**
- 8. Imigassanut inatsit Naalakkersuisuniit qanoq allanngortinniarparpa?**
- 9. Imigassanut inatsit allanngortinneqassappat tusarniaassutaasut atorunnaarsillugit nutaamik tusarniaassutissamik suliaqartoqassava?**
- 10. Tusarniaaneq nutaaq qaqugu aamma qanoq sivilutigisumik tusarniaassutigineqassava?**
- 11. Imigassamut inatsimmi allannguutissat pillugit suliffeqarfiit inuussutissarsiorfiillu susassaartoq qanimut peqataatillugit allannguutissamik siunnersuusiortoqarlunilu suleqatigiiffigineqarpa?**
- 12. Imigassanut inatsit allanngortinneqassappat tamanna politikikkut piumasaqaataasutut isigineqassava? Taamaangippat tunngavilersuutissat suuppat?**

(Inatsisartuni ilaasortaq Aqqaluaq B. Egede , Inuit Ataqatigiit)

### **Tunngavilersuut:**

Imigassanut inatsit pillugu Naalakkersuisut tusarniutigisaat sakkortuumik Demokraatiniit qisuariarfigineqarnikuuvoq. Demokraatit Naalakkersuisunut ikinnerussuteqartunut piumasaqaatigaat imigassanut inatsit allanngunngippat suleqataanertik unitsinniarlunikku. Tamanna pissappat Naalakkersuisut ikinnerussuteqartut uppissinnaanertik piumanagu anngaaginnarlutik ingerlatsinialersimnersut paaserusullugu apeqqutinik ibngerlatitsivuinga.

Naluneqanngitsutuut imigassanut inatsit nunat tamalaat akornanni misilittakkat aammalu WHO-p innersuussutaannik aallaaveqarluni suliarineqakkajuttarpoq. Massakkullu nunatsinni Naalackersuisut Demokraatinut akisinnaajunnaaqqanerat pissutigalugu Demokraatit piunasaannut naleqqussaannartarlugu suliaq ingerlatinneqalersimanersoq paasiniaaffigaara. Neriutigaara imigassanut inatsit allanngortinneqassappat erseqqissumik Naalackersuisuniit tunngavilersuutissaqartoqassasoq, nunatsinni imigassamik atuineq ilisimatussutsikkut tunngavilersukkamik aammalu inuiaqatigiinni atukkat imigassaq pillugu suliami ullormiit ullormut sangujoraartumik ingerlanneqarsinnaanngimmata.

Kissaatigaara apeqqutit ullut qulit qaangiutsinnagit akineqarnissaat.